

勝
飲
編

清
郎廷極著

下

進步書
局校印

蘇子瞻
船
PDC

勝飲編卷十

清
廣寧卽延極北軒輯

出產

酒隨地有之。乃留傳者。不過數處。甚矣良醞之難也。亦有並非產酒。鄉因勝流托跡。偶一把杯。被以齒牙餘論。遂爾得名者。次出產第十。

中山 搜神記。中山人狄希能造千日酒。博物志。載劉元石於中山酒家醉歸。事又志怪。齊人田無已亦能造千日酒。

郢淶 荊州記。淶水出豫章康樂縣。取其水釀酒。極甘美。與湘東郢湖酒。年常入貢。世稱郢淶酒。

蒼梧宜城 張華詩。蒼梧竹葉青。宜城九醞醑。又唐人詩。宜城釀酒今應熟。關中 郭陽酒賦。其品則沙洛淶。關中白薄。

荊南豫北 張協七命。荊南烏程。豫北竹葉。

烏程 北軒主人曰。羊士諤詩。金罍幾醉烏程酒。烏程。浙湖州首邑。秦時有烏氏程氏善釀。因名。張協。荊南烏程。則鄉名。見盛宏之荊州記。亦言秦有烏金。程休。兩家

善釀酒。未知孰是。

桂陽 南史桂陽程鄉。有千里酒。飲之逾千里。至家而醉。

上若下若 吳興志。若溪在長興縣。亦名箬溪。南曰上若。北曰下若。村人取其水釀酒。醇美。勝雲陽。劉夢得詩。鸚鵡杯中若下春。若下即下若也。

河東 霏雪錄。河東桑落坊有井。每至桑落時。取水釀酒甚美。故名桑落酒。

蘭陵 李白詩。蘭陵美酒鬱金香。玉碗盛來琥珀光。但使主人能醉客。不知何處是他鄉。

蒲城 庾信詩。蒲城桑落酒。灞岸菊花天。

鄆筒酒 蜀志。鄆地出大竹。截之盛酒。閉以藕絲。包以蕉葉。信宿香達。曰鄆筒酒。

太行 蘇子美詩。太行美酒清如天。

新豐 庾信詩。新豐酒徑多。王維詩。新豐美酒斗十千。

吳醴吳醪 吳醴見楚辭。吳醪見六朝人詩。

長安 袁子政論。長安九釀中山清醪。

餘杭酒 丁仙芝詩。十千兌得餘杭酒。二月春城長命杯。列仙傳。麻姑至蔡經家。酒。

盡就餘杭姥沽飲得一油囊酒五斗。

桂林 何中詩。桂林嶺頭木香酒。

蜀酒閩酒 杜詩。蜀酒濃無敵。江魚美可求。東坡詩。夜飲閩酒赤如丹。

閩州 陸放翁詩。閩州齊釀絕芳醇。

金陵 太白詩。瓮中百斛金陵春。又白門柳花滿店香。吳姬壓酒喚客嘗。白門即金陵也。

楚酒 見楚辭。

南燕酎 韓琦詩。無辭剩引南燕酎。自注。匠者濟人善釀水酒。即冰堂酒也。

敘州 東坡詩。東樓誰記傾春碧。注。春碧。敘州酒名。

秀州 清雪居士曰。吾鄉水白酒。最為外客所笑。按宋時秀州酒有名清若空者。詩家多用之。釋其名義。當即今之水白酒也。又宋張能臣酒名記。秀州酒名月波。取義甚佳。其味當不至是。

劍南 酒名燒香春。見宋詩。

鄧水 太白詩。荷淨蓬池鱉。天寒鄧水坊。時禁中有鄧水酒坊。

辰溪 有鉤藤酒。

黃州 壓茅柴。黃州酒名。韓子蒼詩。三年逐客卧江皋。自與田夫壓小槽。慣飲茅柴
諸苦味。不知如蜜有香醪。又范石湖詩。瓦盆新熟杜茅柴。凡村酒皆可用。

巴陵 太白詩。巴陵無限酒。醉殺洞庭秋。

雲安 杜詩。聞道雲安麴米春。纔傾一盞即醺人。

杭州 杭州釀酒。趁梨花開時熟。號梨花春。樂天詩。青帘沽酒趁梨花。

南湘 梁宋異賦。豈味薄於東魯。鄙蜜甜於南湘。

射洪 杜詩。射洪春酒寒仍綠。

江陵 酒名拋青春。退之詩。且宜勤買拋青春。又郢中酒名富水。春榮陽上窟。春富

平石凍春。東坡所謂唐人名酒多以春也。

羅浮 東坡詩。一杯付與羅浮春。

宜春 吳錄。安成宜春縣。出美酒。

京口 酒名京清。見周文璞詩。

荊州 山谷集。荊州公厨酒之尊貴者。曰錦江春。

保州定州 酒名錯著水見酒名記

鳳州 鳳州舊傳有三絕手柳酒也

廣南 有香蛇酒

京師諸酒 北軒詩話京師諸酒皆近畿所釀有釀涿涑涑沽滄易等名具列坊肆中錢牧齋詩云長安多美酒酒人食其名刁酒非沽水味薄甜如錫易酒釀天壇市酤安得清魏酒稍芬芳勁正乖典刑未知牧翁所取者何酒也予最愛滄酒色清而味冽在杭州時有詩云兩年席少麻姑酒三日程途鄧尉花滄州舊號麻姑城予因以名酒初疑生創後見漁洋山人詩亦用之矣

蟹酒 羅隱詩兩催蟹酒夜深沽投荒錄南蠻有女酒人家生女數歲釀糟置壺水中候女嫁決水取之味甚美

波斯 酒名三勒漿

大宛 史記大宛國以葡萄為酒富人藏酒嘗至萬餘石久者至數十年不敗 煨煌張氏傳扶風孟佗以葡萄酒一斛遺張讓即拜涼州刺史

暹羅 酒史四夷酒暹羅為第一

緬甸 寰宇志。緬甸有樹頭酒。蓋以樹頭結實如椰子。大土人以罐懸其下。剗實汁流罐中。即成酒。樹類椶。或曰。即貝樹也。

真臘 真臘風土記。美人酒。於美人口中含而造之。一宿而成。尤奇。

新羅 李義山詩。一殘新羅酒。凌晨恐易消。

勝飲編卷十一

清 廣寧郎廷極北軒輯

名號

濁醪有妙理。必簡擇沽脣。亦損真趣。然內府黃封。仙厨玉液。不可不作是想也。次名號第十一。

黃流 詩。瑟彼玉璫。黃流在中。

從事督郵 世說。桓溫有主簿。善別酒。有酒輒令先嘗。好者為青州從事。惡者為平原督郵。蓋以青州有齊郡。平原有鬲縣。言好酒下臍。而惡酒在鬲上住也。從事美官。督郵賤職。故取以為喻。陳師道詩。已無白水真人分。難置青州從事來。

歡伯 唐人咏茶詩。睡魔奚止退三舍。歡伯直須輸一籌。

聖人賢人 韓駒詩。閒分酒賢聖。靜記藥君臣。劉賓客詩。藥爐燒姪女。酒瓮貯賢人。清雪居士詩。花中最喜觀君子。酒裏還能學聖人。徐鉉事八雅言。

麴秀才 鄭祭開天傳。道士葉法善。一日會朝士。滿座思酒。忽有一人叩門稱麴秀才。突入居席末。論難鋒起。葉潛以小劍擊之。隨手墮地。化為瓶。檮視之。乃盈瓶醇

釀坐客飲之皆醉。乃揖其瓶曰。麴生風味不可忘也。北軒主人詩。春林剩有山和尚。旅館難忘麴秀才。

麴道士 集異錄。葉靜能謂汝陽王曰。有生徒能飲。當今上謁。稱道士。常持滿。侏儒者也。飲酒至五斗許醉倒。乃是一瓮。放翁詩。孤寂惟尋麴道士。一寒仍賴褚先生。又瓶竭重招麴道士。牀空新聘竹夫人。

麴生麴君 清雪居士詩。麴生真吾友。相伴素琴前。北軒主人詩。香母銅匱初起。策麴君玉。學自生花。

麴居士 山谷詩。萬事盡還麴居士。百年常在大槐宮。

玉友 周必大詩。連翁玉友釣溪鱗。

郎官清 西市睦郎官清。並李肇家酒名。見類書。放翁詩。午甌惟致葉家白。春瓮旋撥郎官清。

紅友 清雪居士詩。世交只合招紅友。身事何須問紫姑。

索郎 水經注。王公庶友。牽拂相招者。每云索郎有顧。思得旅語。蓋桑落反語也。時賢失名詩。索郎味好開佳境。齊女聲停發靜思。齊女。蟬別名。

椒花雨 霏雪錄楊誠齋退居名酒之和者曰金盃露勁者曰椒花雨嘗言予愛椒花雨甚於金盃露

上尊 史漢成帝賜丞相翟方進上尊酒十石東坡詩上尊白日寫黃封黃封謂以黃羅帕封之亦曰黃封酒

碧香 東坡詩碧香近出帝子家注王晉卿酒名

黃嬌 清雪居士謝惠米酒詩加餐宜白粲取醉喜黃嬌

碧琳腴白玉腴 張耒詩曾嘗玉帝碧琳腴不醉長安市上醕韓駒詩去年看曝石渠書內酒均頒白玉腴

花露 放翁詩紅螺杯小傾花露紫玉池深貯麝煤

真珠紅 李白詩琉璃鍾琥珀濃小槽酒滴真珠紅

醺綠翠濤 龍城錄魏左相證能治酒有名曰醺綠翠濤唐太宗賜詩云醺綠勝蘭生漢武百末酒也翠濤過玉滢隋煬帝酒名千日醉不醒十年味不敗

鳧花 見梁簡文帝詩

瑞露珍 三餘雜記田琴逢三書生曰我有瑞露珍釀百花中與飲甘香可愛

荔枝綠 王公權家酒名。見類書。

二娘子酒 林希逸詩。二娘子酒何妨醉。見東坡別集。

瓮頭清 孟浩然詩。已聞雞黍熟。復道瓮頭清。後人遂以為酒名。

狀元紅 清雪居士謝惠狀元紅酒詩。拜嘉名醞狀元紅。卻走牀頭清若空。清若空者。秀州

酒名也。見宋詩。指大酸寒。渾洗刷。醉魂輕舉碧霄中。

玉浮梁 太白好飲玉浮梁。浮梁。即浮蛆酒脂也。

流香 枚翁詩。歸來幸有流香在。注新賜酒名。

三辰酒 史諱錄。唐明皇嘗置麝清潭。砌以銀磚。泥以石粉。貯三辰酒一萬車。以賜

當制學士。

碧霞漿雲母漿 北軒主人詩。琴鋪紅錦薦。觴泛碧霞漿。又。客歌欲裂雷公石。仙酌

欣分雲母漿。

重碧 杜詩。重碧拈春酒。輕紅擘荔枝。又。宋人詩。重碧杯中天更大。軟紅塵裏夢初

收。

缸面新筍 蕭翼賺蘭亭事。

玉鍊鎚 唐時酒名。見酒小史。

乾和 沈約詩。釀酒愛乾和。即今不入水酒也。并汾間。以為貴品。名曰乾醪酒。

酥酒 東坡詩。使君夜半分酥酒。

冰堂春 歐陽永叔在滑縣。所造酒名。北軒主人曰。酒史載酒之以春名者。如瓦

頭春。竹葉春。麴米春。葡萄春。蓬萊春。洞庭春。海岳春。錦波春。泮玉春。風光春。萬里

春。范至能名松花春。玉露春。軟脚春之屬。皆是。余謂酒實有春意。東坡詩。飲我霞石

杯。放杯恍如春。唐子西詩。硯田無惡歲。酒國有長春。清雪居士詩。難將繩繫日。但

覺酒懷春。試以茶相較。便覺有嚴肅之氣。已成秋象矣。

般若湯 僧家諱酒。因名酒曰般若湯。

茅柴 清雪居士詩。野樹禽啼布穀田。家酒熟茅柴。

瓊瑤酒 漢武內傳。西王母曰。仙家上藥。有玉酒。瓊瑤酒。

瓊蘇酒 南岳夫人傳。夫人飲王子喬瓊蘇綠酒。薛道衡詩。共酌瓊蘇酒。同傾鸞

觥。

琬液 拾遺記。王母薦穆王琬液清觴。

瓊錫酒。列仙傳。謝元卿遇仙。設素麟脂。瓊錫酒。

勝飲編卷十一終

勝飲編卷十二

清 廣寧郎廷極北軒輯

器具

汙尊坏飲。淳古之風。不行久矣。然玉卮無當。反不若田家老瓦盆。真率可喜。次器具第十二。

陶匏

陶謂陶瓦為酒樽。匏。瓠也。謂破匏為爵。此皆太古禮器。

六樽六彝

見周禮。

五經

侯鯖錄。陶人為器有酒經焉。以盛酒。似瓦壺之製。晉安人饒人酒。書一經。或

二經。五經。他境人不達其義。聞五經至。束帶迎於門。乃知是酒五瓶。為五經也。

三雅

典論。劉表有酒器三大。曰伯雅。受七升。次仲雅。受五升。次季雅。受三升。

酒器九品

逢原記。李適之有酒器九品。蓬萊盞。海川螺。舞仙錢。瓠子卮。慢卷荷。金

蕉葉。玉蟾兒。醉劉伶。東溟樣。蓬萊盞。上有三山。象三鳥。注酒。以山沒為限。舞仙錢。

有關捩。滿則仙人出舞。

銅鶴樽

朝野僉載。韓王元嘉。有一銅鶴樽。背上注酒。則一足倚。滿則正。不滿則傾。

側。

白獸樽 晉制。元旦於殿廷設白獸樽。獻直言者。發此樽飲之。白獸壺。見周必大

詩。

癭樽 太白有咏柳少傳山木癭尊詩。東坡賦酌以癭藤之樽。放翁詩竹根斷作眠

雲枕。木癭剗成貯酒樽。癭柄杯。見皮日休詩。

北辰樽 魏元忠詩。願陪南岳壽。長奉北辰樽。

費樽 放翁詩。費樽恰受三升醞。龜屋新裁二寸冠。樽。即皮襲美所云。訶陵尊也。

鳳凰尊 梁元帝詩。香浮鬱金酒。煙繞鳳凰樽。

璚碧尊 劉楨賦。酌璚碧之樽。翠樽。匏樽。瓦樽。角樽。

流光爵 宣室志。天帝流光寶爵。置之日中。則光氣連天。康爵。逸爵。

甲子觥 見考古圖。北軒主人庚辰元旦詩。頒春已換庚辰歷。宴客還陳甲子觥。

夜光常滿杯 才洲記。周穆王時。西域獻夜光常滿杯。受酒三升。杯是白玉之精。光明

夜照。冥夕出以向天。比明。酒汁已滿。味甘而香美。斯實靈人之器。張正見詩。琴

和朝雉操。酒泛夜光杯。

照世杯 三餘雜記撒馬兒罕有照世杯。光明洞徹。照之可知世事。

自煖杯 開元遺事。唐內庫有酒杯。青玉色。紋如亂絲。其薄如紙杯。足上鏤金字。曰

自煖杯。上令取酒注之。溫溫然有氣。少頃如沸湯。又唐寧王有煖玉杯。不煖自

熱。

碧瑤翠瓊 道藏仙家三寶。有碧瑤杯。紅綈枕。紫玉函。玉清女以贈韋僉。誠齋詩。無

奈春光餐不得。遣詩招入翠瓊杯。

玉交杯 義山詩。寶簾且眠金縷枕。瓊筵不醉玉交杯。

綠玉紅玉 太白詩。遺我綠玉杯。兼之紫瓊琴。樂天詩。身卧翠羽帳。手持紅玉杯。

紫霞杯 王禹玉上元詩。一曲昇平人盡樂。君王又進紫霞杯。霞文杯。見劉孝綽

詩。

玻璃七寶杯 楊貴妃持此酌太白酒。

鶴頂蝦頭 益州記。鶴鷄水鳥。黃喙。長尺餘。南人以為酒器。曰鶴頂杯。南越志。南

海以蝦頭為杯。

熊耳杯 邢子才詩。朝馳瑪瑙勒。夕銜熊耳杯。

蟹杯 以金銀爲之。飲不得法。則雙螯鉗其脣。必盡。乃脫。
雙鳧杯 鞋式。亦名金蓮杯。

鸞杯 盧照鄰詩。長裙隨風管。促柱送鸞杯。

九曲杯 以螺爲之。數穴極彎曲。可以藏酒。蟲杯。蟲殘皆是。

月苜杯 天隨子詩。月苜杯舉存三洞。

竹根蓮子 庾信詩。山杯捧竹根。杜詩。傾銀注玉驚人眼。共醉終同卧竹根。樂天詩。

香傳蓮子杯。又圓殘飛蓮子。

碧筒杯 霏雪錄。魏鄭公懋。率賓佐避暑。取荷葉盛酒。刺葉與柄通。屈整輪囷。如象鼻焉。持吸之。香氣清冽。名曰碧筒杯。宋人詩。釀熟青田酒。香宜碧藕筒。

柶葉杯 放翁詩。閒弄流塵柶葉杯。

藤杯 王勃詩。風筵調桂軫。月徑引藤杯。

連理合歡 楊方詩。飲我連理杯。宋之問詩。爲盡合歡杯。

鸛鵒杯 見唐書。

蘭卮 謝靈運詩。蘭卮獻時哲。羽卮翠卮。文螺卮。